



**Ассаламу гялайкум, дубурлантти!**

# ШИЛА ГЯМРУ

## СЕЛЬСКАЯ ЖИЗНЬ



Дахадаевла районна жамигЯтла - политика газета

№ 13 (8451) 2021-ибил дус.

Апрельла 2. ЖумягI.

Багъа I2 къуруш 32 кепек

### Районна администрациялизиб

## ХIядурдеш бирниличила гъай детаур

Гъалабван районна администрацияла актовий заллизиб муниципалитетла руководителъла заместитель Артур ХIямзатовли бекIдеш дирни-ла удиб совещание дураберкIиб. Балбуцлизир бутIакъяндеш дариб Дахадаевла ва Хайдакъла районтазибси ИНД-ла ва ПР-ла Россияла Дагъистан Республикализибси УНД-ла ва ПР ГУ МЧС-ла старший инспектор Басир МяхIяммадовли, цIадиркниличи къаршиси частъла начальник ГIябдуллагъ ИсхIамадовли ва муниципалитетла цацадехIги шимала бургани.

Балбуцличиб хIербарибси хIебла-дуцIрумла манзилличи хIядур-бикIнича, районна мер-мусаличиб цIализибадла мяхIкамдеш бирни гIеббуцнича ва илкъяйдали вацIур-бази цахIедиркахъниличи имцIали пикри бяхIчаънича масъалари.

Совещание гъаргбурули, Артур ХIямзатовли багъахъур хIебла ман-зиллизир цIадиркнича анцIбукъуни имцIадикIниличила.

Басир МяхIяммадовли сунела вы-ступлениелизиб шимала бургази багъахъур халкъличил иргъахънича хIянчи дураберкIахъес хIяжатли биъниличила. ХIебла манзиллизир

адамтани авлахълибир хIянчи дура-Илди вацIаличирадли 10 метрлацад дуркIухIели ва мицIираг дуки гъарахъси мерличи ардихути сари,



дикухIели ца билкъули бирар ва ил бишахъес хъумарталли, мякъларти шимази ва вацIурбази ца гIяйдиес асубиар или аргъахъес хIяжатбир-кур илдази.

«ВацIурби цIализирадли мяхIкам-дарес багъандан иларти дерубти къар, къялуби ва цархIилти нядешуни умударес хIяжатси саби.

яра 0,5 метрлацад бягIуси цIализи-бадла мяхIкамдеш бирнилич хасба-рибси хасси мер балкъаахъес чебир-кур», — буриб сунела гъайлизиб Басир МяхIяммадовли.

ГIур шимала бургани баянти гъаладихъиб чуни цIализибадла мяхIкамдеш бирнича шайчир дура-дуркIути баркъудлумачила.

«ГъамбикIуси хIебла манзил ва ГIергъиси замана камси дяхIи барни пикрилизи касили, цIадиркнича урехи имцIали биъни аргъесли саби. ВацIурбазиб дяхIи агничи ва ванза-лизиб хIябцдеш камли биъничи вацIурбази цIадиркнича урехи алкъахъули саби. Иличирли дахъал вайти анцIбукъуни кадикесра асуби-руси саби. Нушала район хIядурли биес хIяжатли саби хабарагарли кадиркути анцIбукъуначи ва гъарил секIал заманаличир гъунчидикахъ-есра хIяжатбиркур», — буриб Ар-тур ХIямзатовли.

ГIур, гъай детаур адамти хIерби-рути юртаназир цIадиркнича анцIбукъуни хIедирахъниличила. Районна бекI Жаруллагъ ГIямаровла хъарбаркъ хIясибли, гъести гIямру-ла адамтала ва зягIипти дурхIни лебти юртанази датчикуни даршес багъандан цIадикниличила ба-лахъути гIяхIниахълуми исниличила багъахъур Артур ХIямзатовли.

«ИшбархIилис цIадиркниличи къаршити хаста датчикуни диршути сари 90 дус ва гъатIира имцIали биубти адамтала ва башес хIебиру-ти инвалидуни дурхIни хIербирути юртанази», — буриб илини.

Илгъуна пикри гIеббуциб муни-ципалитетла пожарное ведомство-лира.

Информационный отдел.

### Маждид ГIяхIмадовлис – 87 дус

## Ахъси къимат бедиб



Дубуртазир сецад мургъи-арцIла мягIдунти лерал балуси хIергар. Илди гъаргдарес ахърича вегIра гъанна левсигъуна ахIен. Амма илди гъаргдарили гIергъи тама-шахIейэс тяхIярра хIебирар. Се-нахIенну ванзализирти давлуми кадурхути ахIен, илди гъаргдирес ва бахълис пайдалагити детаахъес хIяжатси саби. Нуни адамла пагъмуртира илди дурхъати мягIдунтачил цугдурцули вирус. Амма илди белгидирес, гъаргди-рес, гIячихъдирес гъар мурталра-деклар бетарули ахIен. Бархъаначи буралли, адамли сунела пагъмурти гъаргдирес хIяжатси саби. Илди

вегIлизир сецад лерал хIебалутира бургар или гъанбиркур. Хаслира творчествола бетуцуни камли гъардикIахъули дирар дубурланта-ни. БиштIали лебай илдазир пагъмула гъе белгидирути айхъути биалри, сецад шягIирти, писатель-ти, далайчиби бишира Дубуртар Улкализиб.

ГIярбукIла шилизивадси Маждид ГIяхIмадовличила гъайрикIухIели-ра наб хIялумцIес далкъхIеурси пагъмуртала дубурла гъалар гIаш-сиван билзули саби. Ил гIяхIгъабза шила дурхIни мурхъти багъудлу-мачи ва гIибратчеси бяркъличи биркахъули бамсриагарли узусири

ва ил баркъудилис сунела лерилра багъудлумира цIакъянира харжди-рутири. Ванзала уркIилизибси вул-кан бикъурхIели, берцIибхIели ва сагъ-саламатли бемжурхIели азадешличи дурахIебухъи буару? ТIап адамла уркIилизибси пагъмула урунжван? Маждидлира ил «вулкан» чархIлизиб хIербарес им-канхIебакIиб. Ил сеннира ду-рахIебухъи кахIелун, пагъмула ру-герти илини назмула къяянази мерладариб ва буцIар-буцIарси поэзия учIанничи баахъиб.

(Хъарахъуд 2-ибил бяхIлизиб)



## АХЪСИ КЪИМАТ БЕДИБ

(БехИбихъуд 1-ибил бяхИлизиб)

Илкъяйдали Дагъиста литература-ла заклизив хапли абалкунси зубариван дакIуухъунси сай даргала шягIир.

ГяҳИмадов Мажид ГяҳИмадович акIубси сай Дахадаевла районна Кубачила шилизив 1934 ибил дуслизив. Илини 1956 ибил дуслизиб ДГУ-ла филологияла факультет таманаибсири. Кубачила урга даражала школализив мугIяллимли, завучли, директорли узули калунсири. ДурхИни мурхъти багъудлумачи ва дудешунала мургъи-арцла усташличи бегIбирни багъандан, илис дахъал ахъти шабагъатунира дедибтири. Пергъити дусмазир цархИлти хIянчурби хъардарибхIелира илини

бекIдешлиуб гIярбукIантани мургъи-арцла, мелхиорла ва цархИлти секIайзирадли дарибти ваяхIли складуни гарчли дицIили дири. Илди СССР-ла ва дурала улкнала халати шагъуртази диахъутири. Жагати кулхми, тIулхми ва цархИлти хъунул адамтази дихахъес хасдарибти жагати ваяхI, ханжулти, шушкни ва тIалхIяна лебилра дунъяличир ахъли къиматладирутири.

ГяҳИмадовхъалла хъалибарглизиб-бадти лебилра адамтани илкъяйдали чучи хъарбарибси ламусличил таманбирусира саби.

Мажид ГяҳИмадовичли шила дурхИни багъудилара бяркълара ахъанайтачи гъунибатурли ва

чибани илди дучIули сари ва лехIирхъутала уркIби разидирахъули сари.

Даргала литературала мезличилцуна ахIи, Мажидли гIярбукIла лугъатличилра дахъал назмурти лукIули сай. Саби-бегIти някъиш пикридирули, мургъи-арцла ваяхIлизи варакъдирес бурсибиубти гIярбукIантани

цархИл балбуцибсизирра илдигъунти усташ дакIудурили сари. Мажидлира ил секIайчила хъумуртули ахIен ва сунела пикруми назмуртазир усташличил сипатдирес къасбирули сай.

Разили саби гIярбукIантира чула дурхИнази нешла мез хъумхIертахъес багъандан М. ГяҳИмадовли илдигъунти жузи дурайъниличил. Даргала миллатлизи кадурхути лугъатунала вакилтанира гIярбукIла лугъатличил делкIунти назмурти иштяхIличил дучIес имканти алкIахъули сари ил машгъурси поэтли.

«Дагъистайчила далай» бикIуси назмулизиб сунела ВатIайчи кахедурхути диги чедиахъули сай авторли:

ХIела халкъ гъайбикIути  
Саби хIябцIали мезли,  
Къияндикалли, цаван  
ГъайбикIар цадехI мезли.

КахIебурхар, гъеч, хабар  
ХIела далайчибала,  
ХIу машгъурбирахъути  
Игит дубурлантала.



... Ташли сари дубурти  
Зубрази адиути,  
БихIули паргъатдешра,  
Къарауйчи кайзурти...

Дахъал мисалти гъандушес вирар М. ГяҳИмадовла творчестволичила ва илала адамтачи, ВатIайчи, сунела шиличи ва шангачи кахIедурхути дигили ламдикIути назмуртира гъандушили. Ил темаличила кIинайс гъайдикIехIе, иш гъакIлис поэтлис хасбарибси балбуцличила бурес дигула.

Мартла 30-йчиб Мажид ГяҳИмадович акIубси бархIилис ва илала творчестволис хасбарибси шадлихъла балбуц дурабекIиб ДГУ-ла филологияла факультетла заллизиб. Балбуц бузахъулри ДГУ-ла профессор Муса Расуловичли. Балбуцличил цалабикIлири поэтла гъамти-тухумти, шанти, студентуни, поэтунни, писательти, журналистунни, дарган мезла мугIяллимти. М. ГяҳИмадов мубаракварес бакIилри ДГУ-ла ректор МуртазагIяли Рабаданов, Дахадаевла районна бекI Жаруллагъ

Гямаров, Кубачила шила бекI П. Куртаев ва бахъал цархИлти хIурматла гIяхIли. Гъала-гъала Мажид ГяҳИмадовли сунела назмурти делчIун гIур поэтла творчестволис ахъли къимат лугути гъайбулхъескабиб ва гъар гъайухъунсилис гIергъи гIяртистунира сценаличи дурабулхъутири. Мажид ГяҳИмадовичла назмурти делчIун ДГУ-ла филологияла факультетла студентунанира. Балбуцличир дахъал баянти гъаладихъиб гъайбухъунтани сархидешуначила Мажид ГяҳИмадовичла бузерила ва поэзияличила. ЗайдикIи поэт-песенникли делкIунти нзмуртачил даргала машгъурти гIяртистунала далуйтира. Балбуцла ахирличиб Мажид ГяҳИмадовли цалабикIбтас халаси баркалла багъахъур.

ПатIимат Къурбанова.



илди ламусличил тамандирутири.

Мажид ГяҳИмадовичла жинс Кубачила шилизибцуна ахIи, районнизиб ва республикализибра чула черяхIти баркъудлумачил машгъурси саби. Илдада къамлис Къунахъхъали бикIути саби, сенахIенну гIяхIял-дешлис хъархъти, гъабзадешлис гъалабти ва баркъудилизиб залумти сабхIели. Мажидла узи Юсупра нуни гIяхIил валусири. ГяҳИмадовхъали дила нешла узикъар СССР-ла художникунала Союзла член Орджоникидзела узбикъурти сабхIелира илдачил нушала тухумти гъамли бирар. Юсупли Кубачила художественный комбинатлис бекIдешдирухIели, ну мурталра илала ва комбинатла бузерила сабухъчерти гунзрачил тянишриес или ила рашусири ва мурт рукъяслира пахрули рирцусири багъадурти гIярбукIантаци. ИтхIели лебилра дунъяличил машгъурбиубсири комбинат. Пагъмучевси, дагъричевси ва халкъличил дигили вицIибси Юсупла

адамтас дахъал гIяхIдешуни дирули узули кали гIергъи, назмурта лукIес ва далайчибас илди гъаладирхъес вехIихъиб. Жагъил далайчибани илди дигиличил къабулдариб. Гъанна даргала машгъурти бахъал далай-





## Хурматла газета бучант!

Чесабиуси Рабазан базлизиб дуббуцибтас кумеклис, гьаман хьарди-ути суалтас шафигитунала мазгъаб хIясибли, жавабти гьаладирхьулра.

- **Дуббуцари се баралли дулутив?**

- Балу-балули се-биалра беркалли, яра шин держалли; варглизи се-биалра бухIнабикалли (дарман), къянкъубази яра лихIила бухIна се-биалра букьялли; балу-балули рабчвиалли; мурул-хьуна ургаб гьам-деш биалли; хьунул адам хIилариалли (менструация) яра виштIаси варалли; держ, папрус бержалли; къагъвиалли, дагърилизивад ухъалли; диннизивад дураухъалли (Аллагъли (с.т.) илизибад берцуди бараб).

- **Дубуцибсилис асубиару цулби ицуси паста пайдалабарес?**

- Бирар, амма пастабазир тIемдикIути секIал дарх дирни багъандан, къакла гIелабил шайчи селра гьамхIебиахъес къайгъибарес чебиркур.

- **Цула абитIалли, дуббуцари дулутив?**

- Дулуту ахIен. Хи яра дарман дархти шутри варглизи даалли, илдани дулъа.

- **Хургъри изухIели, илди сагъдарес кислород пайдалабарес асубирусив?**

- Асубирусси саби, сенахIенну кислородла я ранг, я тIем, я гьагI агархIели, амма иличил дарх дармунтира даралли, дуббуцари дулуту сари.

- **Дуббуцари дулутив дазала дирухIели, къакра къянкъубира даргарухIели, шин къяраалли?**

- Дубуцибсилис халаси къайгъили-

чил къак баргарухIели шин къяраалли, дуббуцари дулуту сари. Къянкъуби даргарухIели шин илабси лигала чеди адааллира дулуту сари.

- **Асубирусив миск (духи) дуббуцарла базлизир пайдалабарес?**

- Бирусси саби, амма ил хIебаралли гIяхIсилизи халбирусси саби. Илкьяйда илдала тIемличи сунтIхIейкIнира гIяхIси саби, амма ил баралли, дуббуцари дулуту ахIен.

- **Дуббуцари дулутив шутри къяраалли?**

- Дулуту ахIен илди умуту диалли, шутразир хи яра берка кесекуни хIедиалли.

- **Дуббуцари дулъав сурскъакъари изухIели дарман диралли?**

- Дарман сурс-къакъарла (гIярабла хIярп гIайн бетарусси) мерла шайчи бетаили хIебиалли, дулуту ахIен.

- **ЗягIипхIели балу-балули рабч дакIахъалли, дуббуцари дулутив?**

- Дулуту сари, амма илизиб бунагъ агара, цархIилван гIяхIдеш хIебирули биалли.

- **Дуббуцари дулъав узи яра цархIил аппаратунала кумекличил къаркъа биркIанти ахтардидиралли?**

- Дубуцибсила варгла духIна дитуту аппаратуначил ахтарди дурабуркIалли (чимхъа-умхитI ва цархIилтира), дулуту сари.

- **Дубуцибсилис асубиару къаркъайчи кремани, маслаби дикес?**

- Дуббуцари илдазираб хIеделуа, амма дебали тIемдикIути креманира маслабира пайдалахIедаралли гIяхIси саби.

- **Дубуцибсилис асубиару**

**хIулбази дарман кIантIдусес?**

- Бирусси саби, илдала тIем къаклаб гьанараллира, дуббуцари дулуту ахIен.

- **Дубуцибсилис сивак пайдалабарес асубиару?**

- Бирар, хIери баайчи, хIери баили гIергъи, хIебаралли гIяхIси саби. Шинничи гачбикахъи пайдалаба-ралли, дуббуцари дулъа.

- **Лезмила уди сунтIбирусси дарман кабихъалли, дуббуцари дулутив?**

- Илала камси-биалра кесек варглизи баалли дулъа, мухIлилаб бацIили таманбиалли, хIеделуа.

- **Папрус ва танбаку держали дулутив дуббуцари?**

- Дулуту сари, сенахIенну папрусла гавличил хургърази никотинра кабиур.

- **КуртIикIалли дулутив дуббуцари?**

- Дубуцибсилис балули биалли къянкъубазира лихIбазира шин дукъес дирни, илис къадагъабарибси саби (хIярам) куртIикIес. Илкьяйда бирни хIебалули виалли, куртIхIейкIни гIяхIси саби. Сен-биалра шин духIнадикалли, дуббуцари дулуту сари.

- **Дуббуцари дулутив ахтури къяраалли?**

- Балу-балули ахтури къяраалли, дулуту сари. Илди тударес валкъхIеурли, хабарагарли къяраалли, дулуту ахIен.

- **ХIила тумлизи яра гIемслизи укол яра капельница баралли дулутив дуббуцари?**

- АхIен, амма арадешлис чараагар-деш лебхIели ахIи ил барес хIейгелизи халбирусси саби.

- **ХIила тумлизираб яра тIуйзираб хи адитIалли яра хIижама**

**биралли дуббуцари дулутив?**

- Дулуту ахIен, амма ил бирни хIейгеси саби.

- Хабарагарли адамла варглизи хьаса, гав яра бибгIян мицIираг ардукьялли, дуббуцари хIеделуа, амма илди дураэс къасли рабчвиалли, дулуту сари.

- **Асубирусив хурег бирухIели тIем халбарес, илхIели дулутив дуббуцари?**

- Асубирусси саби, амма ил барни хIейгеси саби, сенкIун илхIели се-биалра къяраалли, дуббуцари дулъан.

- **Се бирусси къагъдеш дакIалли?**

- Эгер адамли дубуцес дугели нигет барили гIергъи аргъайзивад ухъалли, илала дуббуцари халбирусси саби, шаладикибхIейчибад бархIи гIелабикайчи камси заманалисалра чевсаргъалли. Рахли чевсакIхIергъалли, дуббуцари дулъан. Илкьяйдали, нигет хIебарили, дугели аргъайзивад ухъи, савли яра хIерели чевсаргъалли, дуббуцари халхIедиру, сенкIун шафигитунала мазгъаб хIясибли, нигет дугели яра савлила акбар белчIайчи барес гIягIнисси саби.

- **Хьунул адам гинекологличи рукьялли, илала дуббуцари дулъану?**

- Эгер тухтурличи рякъунхIели, хьунул адамла къаркъа биркIанта-зирти гIярхъубази се-биалра бухIна букьялли, дуббуцари дулъан.

- **Дугели дуббуцарлис нигет барес хьумарталли, се бирусси?**

- Или биалли, шафигитунала мазгъаб хIясибли, дугели яра савлила акбар белчIайчи нигет барес валкъхIеалли, дуббуцари бетарусси ахIен. Амма сеналра дуббуцари дулуту гьар секIайзивад мяхIкамли виэс, ва уркалунти дуббуцари черахъес чебиркур.

Наида Гьуруева.

ЧеалкIуси наслулизи нешла мез дяркъяхъес багъандан гьачамличир-гьачам гIяхIти кумекла материалти дурадулхъни дигеси саби. Хаслира илди бахъхIила педагогунани далкъаахънили мугIяллим-тала бузери гIяхIцадла жигарчеббихъули саби.

Гьалаб кумекла литература агархIели, дарган мезла мугIяллим-тас къиянблухъусири нешла мезличи дурхIни руркънила хIянчибарес. Дарсличи хIядурикIухIели ил чIянкIли учебникличил ва таблица-личилцун сайри пайдалавикIуси. Бири мугIяллимти карточкаби, перфокартаби, схемаби ва цархIилти чебаъла гIягIниахълуми далкъар-ахъути ва дурсрачир пайдаладиру-ти.

Дахъал дусмазиб Р. МяхIяммадова «Тамашала грамматика» бикIуси жуз бируссири дидактикалалашал кумекли бетарусси материал. 2005 ибил дуслизиб дурабухъунси А. КьадибяхIяммаева «Дарган мезла кружок» бикIуси методикалалашалси пособиера гIяхIил пайдалабируссири нушани.

ГIяйша Кьурбановала 2007-ибил дуслизиб дурабухъунси «ГIяжаибси

азбука» бикIуси дидактикала пособиера имканти имцIадиахъуб мугIяллимтала бузери ункъбиахънелизир. Дурсри кадирихънила электронный технологияби пайдаладири-нелизиб халаси къадри лебтили де-таур илди кумекла материалти дурхIни дарган мезличи руркънели-зир.

2010-ибил дуслизиб ГIяйша Кьурбановани дураибси «Дарган мезла кружокуну дурадулкIнила методика» ибси материал дурхIнала нешла мезличи диги имцIадиахъес кумекли бетаур.

«Сагаси Къаякентла СОШ» МБОУ-лизир дарган мезла мугIяллимли дахъал дусмазир рузуси педагогли бузерила давлачехъи опыт цалаб-хъиб, методикала декIар-декIарти тяхIурти дусескаиб, электронный курс акIахъуб.

«ХIела гIямрула дякъ хIуни чеббикIа» ибси 8 — 9 ибти классунала бучIантас хасбарибси ГI. Кьурбанован бузесаибси электронный курс дурсрачиб ва дурсрала дурау дурадулкIути занятиебачиб пайда-

лабарес вирар. Пагьмучебти дурхIначил дурадуркIути далдуцу-назирра дузахъес пайдалати сари илдигъунти бетуцуну. Элективный курсла Программализир пайдалада-рестира тамашала бетуцуну лер илар. Творчестволизиб дурхIни бу-захъесра илар имканти акIахъубли сари.

МугIяллим-сагакъянчи сарси ГIяйша Ханаевна нешла мез мяхIкам-дирнилизе ва гьаладяхI дашахъни-лизе белгиси пай кабирхъули, са-бухъчерли рузули сари. Республика-ла газетаби-журналтазир дура-дулхъути илала макъалаби, очерку-ни, хабурти, назмурти ишбархIила гIямру гьар шайчирадли сипатдиру-ти ва аргъабити масъулти ахъду-цибти сари.

Илини жигарла бутIакъяндеш ди-рули сари мурталра ГI. Тахо-Годи-ла уличилси ДНИИ-ли дурадуркIути далдуцуназирра. Институтли дура-дулкIути конференциябачирра челу-къути масъулти ахъдурцули, гьай-рулхъули рирар.

ГIяйша Кьурбановала Къаякентла

районнизиб 2018 ибил дуслу октябрьла 12-личиб бетерх-урси творчестволис хасба-рибси шадлихълизир бутIакъяндеш дарибтири нуни. Ну дебали рази-риубсири илхIели илала сархи-бдешуначила лебтанилра гьанбур-шухIели ва илала жузалара цархIил-ти белкIаналара выставка че-баибхIели. Россияла писательтала ва журналистунала союзунала член сарси къярбачIимахъилан машгъур-си педагогли дарган мезлицунра ахIи, урус мезличилра жузира ду-райули сари, макъалабира лукIули сари.

ГIяйша Кьурбановала жузи ва белкIани пайдаладириличирли дарган мезла мугIяллимтас гIяхIти имканти алкIули сари бучIантази мурхъти багъудлуми касахъес. Гьан-нала гIергъира илала творчествола ва педагогла шайчирти сархибдешу-ни гьаладяхI дашниличе рирхулра.

Шарипат Будаева,  
ЧебяхIси категорияла учитель,  
РФ-ла Хурматла хIянчизар,  
Дахадаева районна  
«Чишилила СОШ» МБОУ-ла  
мугIяллим

## Пагъмули машгъурварибси

Адамла къисмат сунела някъба-зиб саби ибси дубурлантала бурала лебгъеб бархъси саби. Сенахенну адамла вегъла къисмат гъархъебизал-



ли, чичи-биалра гъайибти чедуршули хьалли, сеннира сунени саби гъамрула бетуц белгибуси, гъунчибуршуси. Дубуртар Улкализив аклубси гъадатла урши дунъяличив машгъурси модельер ветарар или чис гъанбиркусири? Итхъеликун илдигъунти адамти лебниличилара балуси хъерги.

Дахадаевла районна Худуцъла шилизибадти саби

Шамхал Гъалихановла бегъти. Илди Дербентлизиб хъербирутири ва Шамхалла хала дудеш шагъарлизив машгъурси палтарла уста вирусире. Илкъяйдали виштлъахъейчивадли палтар ибнила санигъатличил ил гъахил тянишсири. Илала дурабадгира, хала дудешли илизи дагъахур дубурлантала гъадатун, тарих.

Художественное училище тамана или гъергъи, Шамхалли 1983 ибил дуслизиб сай-вегъси «Модный Дом» ибси предприятие абхъиб. Илхъели

уршила хъанчи гъарбизур ва сагати журала палтар чедиахъхъели илис багъла-багълали машгъурдеш хиб. Гур дубурлан урши Свердловла чебяхъси даражала

дизайнертала модельертала школлели керхурсири. Илав ункъли учусири. Илхъелира урши узес даимиуб ва улкала деклар-декларти регионтазир дурадуркълуги дахъал конкурсуназир буткъандеш дирутири, дахъал призани кайсутири. Пагъмучебти ва цалкьти спортсментала къаркъси республикализивадси илгъуна мурул адамтала палтарла модаби ункъли далуси модельер левниличив бахъалгъунти тамашабирутири. Нушала республикала багъадурти селизи ахъалра устадешла ва пагъмуртала ахъанайтаци биъниличила чилра ташмишикълес хъейрар.

1993 ибил дуслизиб «Шамхал» бикълуси компания аклъахъубсири худуцлан уршили. Илар палтар хъадурдирутири гулбазирадли, текстилла ва трикотажа чъанкъилизирадли. Гъергъити дусмазир джисылизирадлира палтар ибули сари. Илени чедетаахъили ва къугъали дирути палтар адамтасра дебели гъахъидилзутири. Бусягъатра Шамхалли дирути палтар бахъалис дигутили детаури сари.

Ш. Гъалихановли Москвализир, Россияла деклар-декларти шагъуртазир ва дурада улкнала халатигъунти шагъуртазир дурадуркълуги сагати

журала палтар гъаладирхънилис хасдарибти далдуцуназир мурталра буткъандеш дирути сари. Илени дарибти палтар исули дирар политикунани, хъакимтани, спортсментани, гъартистунани, динна агълуги ва цархъилти машгъурти адамтани, гъадатла халкъли. Амма модельерли бурни хъасибли, брендла ибти палтар дурхъали кадилзули сари ва асес гъарилла-деклар имканти агара.

Мяхъакъалализирра Шамхалли цацахъели сунени дарибти палтар гъаладирхъуги далдуцуни дурадуркълуги вира.

Хъера, ишди бурхъназибра Этноцентрла площадкаличир дубурла къугъати нартанани палтар цалабикибтази чедиахъиб. Гъайгъай, бахъалри Шамхалла пагъму ахъли къиматлабирути дагъистанлантира. Илди-ургаб лебри жагъилти гъести гъамрула адамти. Багъеслири лебгасалра Ш.Гъалихановла сагати палтар гъахъидизни.

Илкъяйда хъебиэсра хъебири, сенахъенну Шамхалли сунени пикридарибти дубурлантаци хаста детуцуни халати устадешличил палтарлизи минадарилри. Жагъилталацунара ахъли, чила-дигара иштхъидухъестири лерилра палтар. Жагати дубурлантацир хъабилра далгири дубурлай дарибти палтар. Дубуртар Улкала урхъимешуахъенти гъабигъатла ва адамтала гъамрула чериклъа някъиш варакъдарилри илини сунела хъанчурбазир. Илдачи дунъяла чиди-дигара халкъанала иштхъидухъеслири. Хъера, илкъяйдали дубурландешла жагадеш ва ахъдеш палтарла кумекличил модельерли лебилра ванзалантас гъаладихъес имканти аклъахъубли сай.

Балбуцличив баклибти иштхъиличил гъайбулхъулри ва дарган багъадурлис баркалла балахъулри, илала гъамрулизир ва бузерилизир мурталра чедибдешуни ва гъарбизуни диубли дигниличила балахъулри. Шамхаллис уркъи-уркъиларадти ванати дугъби дуриб ДР-ла халкъла поэт Аминат Гъабдулмананованира. Дигесири Аминатла рурсилира, художница сарлин, Ш. Гъалихановла бузерилизир цархъилти Дагъистанна художникуначил рарх буткъандеш дирни. Балбуцличив илала кълра нартли дам бирхъусири ва халагъуна уршили палтар чедиахънила балбуцлизирра буткъандеш дирулри. А. Гъабдулманановала хъалибарглира илкъяйдали чула пагъмуртачил модельерла балбуц жагабирулри.

Шамхалла коллекциялизир шуцъайчирра имцъали хъадурти образунилер. Илди абзури дус дихес вирусил сай. Лер дуцърумла, янила ва гъебни-хъебла манзиллизир дихестира.

Адамличив саби-сабил машгъурдеш башуси ахъен. Халаси къиян кабихъили ва ибкъси бузериличив бирир ил сархуси. Гъайгъай, Шамхал Гъалихановлисра гъамадли ахъенри илгъуна санигъатласи ахъанайтаци ацлес. Амма ил къияндешуназивадли гълумбилзутазивадли ахъен. Илени сунела пагъму, бузери ва устадеш бахъалис къуллукъличи каили сай. Гъаннала гъергъира илис дахъал чедибдешуни дулгъеле.

Хъера, ца адамли илкъяйдали бахъла уркъи разидирахъули сай ва гъамру жагадирахъули сай. Игъбар саби Шамхалван гъахъидешуни дуртлесцун бажардиркуси уста виалли. Устара ибхъели азирти адамтани сунела пагъму марбарибси.

**Патимат Къурбанова.**

Лерли руили сари, лерли руили сари ца патишагъла рурси. Верхъел дус иличи ца урши вашниличила бегъитани балули буили ахъенри. Ца замана ил урши рурсиличи хъешаниуб. Рурсира дебели чукъарикълесряхъиб. Дудешли рурсиличила секлъа гъахъил балуси рухънази хъарбаиб:

-- Сен дила рурси бархъиличирбархъи чукъарикълуси?

-- Хъуни иличи ца цъерхъси, ца чукъаси кълел маза адацлахъа ва ил серикларал лехъизи, -- рикълуги сари рухъна.

Дудешлира рухъна рикълуси бариб. Чукъаси маза чебаили рурсили ил хъаршбариб ва иб:

-- Патишагъла рурсиван хъура чукъасиригу, хъечира хъела гъашикъ хъешаниублив?

Илди гъайла бакъили, дудеш дебели зигарухъун ва сунела рурси пайдаагарси Чалтук бикълуси уршилис шеридес къасбариб. Иличила бакъибхъели Чалтук дебели разивууб ва, патишагъличи вакъили, хъарбаиб:

-- Хъуни хъела гъай къянабирули ахъенрив?

-- Къянабирули ахъенра, -- викълуги сай рурсила дудеш.

Рурси дебели децълизи рикиб ва кумекбарахъес тиладибарес нешличи аррякъун.

Нешра илизи рикълуги сари:

-- Рякъи, дярхълабад бегъларар

хъархъисгъуна урчи дураа, хъечил бархъ бегълара дурхъасигъуна секлъалра каса, дудешла палтарли регъитири ва гъуйчи дураарухъен. Нуни биалли, хъед гълеларад верхъидехъи мегъ чедихъили, къапу къапдири.

Нешли рурси гъуйчи дураиб, къапуличи верхъидехъи мегъ чедихъиб.

Гъергъила бархъи шаладикибмадан Чалтук патишагъличи вакъиб ва мекъличи хъадурдеш барахъес буриб.

Дудеш нешлизи викълуги сай:

-- Рурси дураа, илис гълеларад бакъилину!

Илар неш гъуя-вявлизи гълеларикиб:

-- Агара, рурси чинаралра агара!

Илаб нешра-дудешра Чалтукра бисесбяхъиб. Рурси биалли гъарахъли урчиличир мурдали аррякъун. Гъуйчир рамсурли, илини ца гъинизла мякъла багълабарес къасбариб. Баягъи ил гъинизла мякълав урчиличи мурдали сунела уркъи гъашикъбарибси уршира къаршиикили сай. Илар илдала урчи цаличи-ца чедухъун ва дирхъес дяхъиб.

Урши викълуги сай:

-- Эй, гъункъя, деклардара урчи!

## «Духуси урчи»

Рурсили илала гъайла хъергъибсила гълелариб. Илхъели сай уршили урчи деклардариб ва илизи иб:

-- Ваши набчи гъахъладли.

Рурсира къабулкарикиб. Илди къацъли букес кабибхъели, рурсили къацъла чебасиб ва илала удирад чурми гъардакиб. Илди чурми чедиабхъели, урчи, рурсиличи адамла мезли дугъабизур:

-- Хъу цлахъриубри, раши хъули чардулхъехъену! Аррукъес хъейгу-хъейгули, рурси аризур. Илхъели урши унраличивси хъули аррякъун ва илис тупангра, кланара хиб, пешкешдариб. Рурси гъуйчи дураарухъун ва, рашули, рашули, ца халаси диркъала мякъла раиб.

-- Гъанна ну рамсурлира, гълур башес агара, лебси мерличив белгъаба, -- бикълуги саби илизи урчи.

-- Хъу секъяйда лугъусири, дила дисалра агара биалли, нуни гълур се бируси хъечил?

-- Рахли ну белгъадли, дила хъили ит майдан иркадли, илаб кълел биштлати урши дакълубиар, илхъели дила бекълизибад гъаналабара, дарг-махълизибад юргъан бара, илди кабаркъили, илдачи юргъан чебуша.

Рурсилира урчили ибси ба-

риб. Ил майдайчив бусагъатал кълел урши дакълубиуб, илди кабаркъиб. Бусаун. Илдазивад ца висесяхъибхъели, рурси черсаргъиб. Хъеррикълли, урчила хъили иркибси мерличив жагаси шагъар гъашли.

-- Сен висусири? -- хъарбиули сари рурсили.

-- Ит чи сая нушачи льякъуси? Нуша урухъулра, -- бикълуги саби уршби. Рурсира урухъриуб, къалабали унза къапдариб, амма сунела урчила гъамала бакъиб:

-- Унза абхъа илди уршбала дудеш сайра льякъуси. Рурсили унза абхъиб ва хъеррикълли, -- ит сари гъашикъриубси урши. Уршби биалли, арцуртиван беткахъиб. Илди кълелра гъашикъ хъаллабиуб. Акълуб баягъи беткахъибтигъунти кълел урши.

Патишагъли сунела рурси талихъи баргили кулпетра сарра чарухъунхъели авцъали валри делгъи мекъ бариб. Авцъали бархъидуги бужиб ва буки. Нура ила къарширикира, амма делхъ дарес хъебикиб. Чалтук биалли, мекъличив тмадавиуб ва патишагъла рурсиличи хъуликълуги калун.

**Убайдат Мирзаева,**  
**«Хъажи» хъарахълизибси**  
**урга даражала школла**  
**бехъибхъудла классунала**  
**учительница.**



ГОРОД В УСТЬЕ СЕВЕРНОЙ ДВИНЫ										ТАРАКОНОВА, ГЕРОИНЯ Д. ДОНЦОВОЙ	КРУТОЙ ПЕРСОНАЖ, СЫГРАННЫЙ Ч.НОРРИСОМ		СЫГРАЛ КОЛОМБО
НАСЕКОМОЕ, ВЫСМЕЯННОЕ ШАЛЯПНЫМ	СУРИКОВА ИЛИ ДЕМИДОВА	ЕГО НЕТ БЕЗ ДОБРА		ЖАБА В КРИВОМ ЗЕРКАЛЕ	КРЫТАЯ ПЛОЩАДКА ДЛЯ МОЛОТЬБЫ		ОРГАН ДЫХАНИЯ ЧЕЛОВЕКА		ЭЛЕМЕНТ, КОИМ ПАХНЕТ В АДУ				
				ТЁТКА С НЕВЫНОСИМЫМ ХАРАКТЕРОМ					ПОРТ НА ДОНУ	ИНДИЙСКАЯ КОРОВА С ГОРБОМ		БЕДА, ОСТАВАЮЩАЯСЯ БЕЗ ГЛАЗА	
"КОЛОБОК"	ЗАГРУЗКА ЖЕЛУДКА ПРИ СВЕЧАХ	5			ТОРОПЛИВОСТЬ		РОМАН БОРИСА АКУНИНА						
	В НИХ ВАЛЕНКИ ОБУТЫ	ТЕКСТ ОПЕРЫ ИЛИ ОПЕРЕТТЫ	КОЛЛЕГА И ТЁЗКА АРКАНОВА					МЕТКА - СЕКРЕТКА ШУЛЕРА	ПРОТОК МЕЖ ВОДОЁМОВ			7	
					ПЕРЕДНЯЯ ЧАСТЬ ТУФЕЛЬКИ	2			ДАЧА ВЗЯТКИ	ВИНОГРАД РОДОМ ИЗ ФРАНЦИИ		НАКЛОН ПЕРЕГРУЖЕННОГО СУДНА	
	ОГРАДА НА ДАЧЕ		ШЕРСТЯНАЯ ОБМОТКА ШЕИ				СОЗДАТЕЛЬ ЖИВОПИСНОЙ "ТРОЙКИ"	СУПРУГА РАДЖИ	ЯМКА НА ЖИВОТЕ				
				... ВЕСКИ	МАШИНА КОРОЧЕ				ПЛАВНОЕ РАЗВИТИЕ МУЗЫК. ТЕМЫ	СТАРТОВОЕ ТЕЛЕФОННОЕ СЛОВЦО		В ПЕСНЕ НАД ГОРОДОМ ВСТАЛИ	
	... БОЛДУИН	СМОКИНГ С ФАЛДАМИ					ОДЕКОЛОН СОВЕТСКИХ ПАРИКМАХЕРСКИХ	И БИСМАРК, И ШМИДТ					
			ЗЕМЛЕПРОХОДЕЦ - СЛЕПЫШ	ЦВЕТОЧНЫЙ ГОРШОК					Ю. НИКУЛИН В ЦИРКЕ ДО ДИРЕКТОРА				
ПОДВИЖНАЯ ДЕТАЛЬ ВНУТРИ СТАТОРА	ПО НЕМУ МЧАЛИСЬ ТРОЙКИ ПОЧТОВЫЕ	4			ОБЛИВАНИЕ ИЗ КОВША (РАЗГ.)	МОРСКОЙ ПОРТ ИЗРАИЛЯ					МОТОРИСТКА, СТРОЧАЩАЯ НА "ЗИНГЕРЕ"	ИМЯ ТОПАЛОВА	
				В.ВЫСОЦКИЙ В РОЛИ НЕГРА				ПОЧЁТНАЯ ПРИСТАВКА К ИМЕНИ	ИЗГОТОВЛЕНИЕ ПЛАТЬЯ В АТЕЛЬЕ		6		
ТРУД КОМПОЗИТОРА					РОСТИСЛАВ, СЫГРАВШИЙ ШЛАГА	РЕВОЛВЕР "... - БЕССОН"				РИСУНОК ЭЛЕКТРОЦЕПИ	НОГОУТОП, В ЛАДОШИ...	АН-225, ПОДНИМАЮЩИЙ 250 ТОНН	
ПИСАТЕЛЬ - КИРГИЗ ПО ИМЕНИ ЧИНГИЗ	ПОЁТ ДУЭТОМ С НАСТЕЙ КАМЕНСКИХ	ЗВУК ИГРИВОЙ РЫБЁШКИ						В РУКАХ ХОДЯЧЕЙ СМЕРТИ	"ДУШЕВНАЯ" МУЗЫКА НЕГРОВ				
			ХИТ "ЛЮБЭЗ"		ТОПЛИВО ИЗ КОТЕЛЬНЫХ ИЗ НЕФТИ	8				ТОПЛЁНОЕ СВИНОЕ САЛО			
	КЛИЧ ТАНЦУЮЩЕГО ГОРЦА	КОНФЕТА "... - ФРУТТИ"		3			ГЛАВНЫЙ ВОКАЛИСТ В СТРОЮ			ОЗЕРО, ХРАНЯЩЕЕ СОКРОВИЩА ИНКОВ	ПОЭЗИЯ ЧУВСТВ	НУ ВСЁ, ЭТО КАПУТ	
	ЛИТУРГИЯ В КОСТЁЛЕ	ВОЯКА, ОШИБАЮЩИЙСЯ ОДНАЖДЫ	РЕЖИСЁР-ЯПОНЕЦ ... КУРОСАВА		ДРАМА О СТРАДАНИЯХ КАТЕРИНЫ	ТОРГОВЕЦ С ФОНДОВОЙ БИРЖИ		ВЕЛИКИЙ БОКСЁР		1			
				УБЫЛЬ БУЛЬОНА ПРИ КИПЯЧЕНИИ	"ЦВЕТЫ", ВЗРАЩЁННЫЕ РОДИТЕЛЯМИ					ЗАТЕРЯННОЕ ПОД ВОДОЙ БРЕВНО	БОГ СОЛНЦА В ЕГИПТЕ	БУКСИРНОЕ СУДНО	
	ПИЩА ДЛЯ АВТО	ШРИФТ - КАК ОТ РУКИ ПИСАНО						946 МЛ У ЯНКИ					
						БУДДИЙСКИЙ МОНАХ В ГОРАХ ТИБЕТА				БОЯРСКИЙ ЗАВХОЗ НА РУСИ			
	ЕЙ-ТАКИ НОС ОТОРВАЛИ	"РАСПИЛИВАНИЕ" ИМУЩЕСТВА ПРИ РАЗВОДЕ						ШАРЫ ГОНЯЮТ МОЛОТКАМИ					
					ОСНОВАНИЕ АВТОМОБИЛЯ					ТОПЧАН ДЛЯ СНА УРКИ			



## Уркухан МяхИяммадла назмурти

### Къирхляр

Ца дуги исраэличичи  
Аркуси буракъличичи,  
Идбагли рурхIуси мер  
Чебаиб Ванзаличичи.

«Я Аллагъ, -- иб Идбагли, -  
Их чила, се ванзара?  
Агъ, сен декIарбулхъанал  
Ванзурбазибад царал!».

Малайкли иб: «Дагъистан –  
Ванза саб алжанала,  
Ила айцIути унза  
Дербент саби баркатла.

Шагъидли ветаурли  
Ишав гъазаватлизив,  
Дуршал царал шагъидла  
Вирар даражаличичи».

Ил хIядис чус аргъибти  
ГIярабла багъадурта  
Къасбариб муслим дин хес  
Дубуртачи Дагъиста.

Дербентла демир къала  
Алавбуциб ГIярабли,  
Дербент батурли хазар  
Бешибтири ГIядабли.

Кадяхъиб Дербентлизи  
АвцIали хIяб шагъидла,  
Гили чусра даража  
Авал азир шагъидла.

Идала баракатли  
Шалабариб Дагъистан,  
ХIулбас шала уббухъун  
Дубурлантас дин Ислам.

Идала нуранани  
Шаладирулра нуша,  
Идала гъабзадешили  
УркIби игулра душма.

Аллагъли нушаб гибси  
Даражала халадеш,  
Дагъистайс хазинали  
Уббухъун бусурмандеш.

Абзурли Кавказлизиб  
Дербент берхIигъуна саб,  
Мерладиубси иша  
АвцIали шагъидла хIяб.

КягIбаличил цугбиркур  
Ишаб бариб зиярат,  
Зияратли бакIибта  
Кайсу халал баракат.

Иша чекасиб секIал  
Къабулбарили лябкъян,  
Барибси балга-дугIя  
Къиматлалли уббулхъан.

Биур Аллагъла някъла  
Гъар чидилла садакъа,  
ТIягIят чебяхIси бирар  
Бяхъибси ишаб анда.

Дербентла баракатла  
Дуб я ахир агара,

Шагъидунала хIурмат  
Лебну сецад дигара.

Гъар бархIи азир адам  
Башар зияратличи,  
ВакIадли ветарудра  
Мавлидла бутIакъянчи.

Урквацаб бунагъуни  
ХIелара гъай агарли,  
Дуслизив хIябал бархIи  
Вашуси зияратли.

Халал даража кайсу  
Зияратли башанта,  
Иша гъуни хъумхIерту  
Кавказла бусурманта.

ХIед авцIали Шагъила  
ХIяб кадяхъибси Дербент,  
Габ Аллагъли гъатIира  
Дин-Исламла баракат.

Тяп иш мерличир сари  
АвцIали шагъидла хIяб,  
ХIябрачиб даим ухар  
ВерхIрангла жагал зурхIяб.

Дезабиаб Аллагъ, хIед,  
Барибил иш Дагъистан,  
Алжанала ванзали,  
Дербент сунес унзали.

Дурхъати сволат-салам  
Диаб идбаг, хIечира,  
Дурхъал хIядисличила  
Бурибил иличила...

### Уркарахъ

Уркарахъ, хIу дила ши,  
Шагъарван халасири,  
ХIятта унра шантасра  
Шалдаван шаласири.

Марли, хIу, унра шантас  
Чумал хъарихъра сабри,  
Алав шантас цIулхIели,  
Къакъбяхъли кавлусири.

Уркарахъир гъар бархIи  
АвцIали дех анкIила,  
Дикутири асили  
Халкъли алав шимала.

Таркъарли уркухантас  
Пешкешдири бизил заб,  
Уркарахъиб Салманни  
Алкун Исламла зурхIяб.

Дербентла халифатла  
Дазурби далтахъути,  
БикIутири итхIели  
Уркухълис «марзубанти»

Уркарахъ, хIу дила ши,  
ХалабикIен гъатIира,  
АхIерти уркухантас,  
ЖагадикIена ГIурра.

\*\*\*\*\*

### Дашира жибирехIе

ЦIудар бала цIубдарес

Башар халаси уртахъ,  
ГIямрула ГIямрулизив –  
ГIяжизуубсири вахъ.

ХIекъдеш дигIянабарес  
Къасбарибкъи чумлира  
Иличи дяхIцIибарес  
БиъхIебиуб сеналра  
«Летающий тарелка»  
Аркур шиличиб дагра,  
Чи сая вирххIеруси,  
ХIера, икI ишхIелира.  
Азирра авдаршра дус  
Гъалаб буриб биалра  
Нушала иваракли, (с.гI.вс.)  
МархIериб бахъли илра.  
Иноплетанти –  
Малайкуни илди  
Чи хIербикIес нушачи  
Аллагъли бархъианти,  
Сунела къуллукъчиб  
Марбиуб саби лебни  
Гъарахъ дунъяличибад  
ХIедалути нушани.  
Нуша чули руркъути  
Гъарахъла – гъамти ГIяхIли.

Дашира жибирехIе  
Дубуртачи дяхI-дяхIли,  
ЛугъахIе ца чулара,  
Бирехе хинкI ГIяваси.  
Узбаниван ихтилат  
БумжахъехIе жагаси,  
НушакIун Дагъистанна  
Чумати гъубзни сарра  
ГIяхIял-шайс ламус барес  
Даим хIядурти сарра.  
ЦIудар маза цIубарес  
Бажар-жигарла уртахъ,  
ЦIуба – дигIянабарес  
АлавмайкIудну нахIекъ.

\*\*\*\*\*

ХIера, акбарла мерлаб  
ТIамаикIулри малла:  
-- Шанти, шала дур, шала,  
Унци каур хIушала!  
Даткадухъун хъулкила...  
Дерцахъиб унци шанна.

\*\*\*\*\*

Къяба дубурла уди  
Бяхъилра ГIямрула къуш,  
ГIярасайлаб сархибси  
БекIахъли саби къуруш.

Дилагъуна саб къисмат  
Бахъал дубурлантала,  
ХIурмат бетахъиб гъанна  
Хъубзара – ялчи халкъла.

Булбултала макъамти  
Дири устна дирхъули,  
Сагати юртаначир  
Халча-къякъ дузахъули.

Гъанна чина хIеръадра  
Юртани сари тIашли,  
Дайхъу-хъяшли делшунти  
Дисути къяйда ГIяшли.

Веги агар апалахъван  
Пашмай саби ургуба,  
Дахъ марайли дирхъути  
Арцантала агурба.

Дила шаркад гъар бархIи  
АвцIали дех анкIила  
Дикутири асибти  
Халкъли алав шимала.

Гъари чина дикиба  
Маза-масла дурзамти,  
ГIебшни мурацад бала  
БукIунани лугIути?

--ХIянчи изала дирар,  
Изай адам убкIахъу, -  
БикIар гъанна жагъилти  
Чус саби абаибти.

ХIябра хIяйхIедикIули  
Лер наб ишди авара,  
Улас къияма бархIи  
Марли гъамбиублира?

Наб ГIямрула къушбяхъес  
БикIасра Къябала къакъ,  
ГIярасайлаб сархибси  
Къурушличиб саб бекIахъ.

\*\*\*\*\*

Гъалли вегагар уръа  
Веги ахъили бацуну?  
Хъямла хъучи кумхали  
Шабши хъара дегIуну?  
Гъалли дурашан шала  
ГъанаIа шаниубу?  
Гъалли гъарахъил гъалмагъ  
ГъанахIа гъамиубу

\*\*\*\*\*

Арцан арцес багъандан  
ГIягIнидиркур дуклума,  
Машгъуриэс адамлис –  
Дуклумарти пикруми.  
Мухъи сарри дарманна  
Дузаб сархе тазилис,  
Се кумекбиру мурчIли  
Алжан касес пасикълис?

### Ташмиш- хIейкIулра

Савли бархIиахъайчи  
Халча-къякъ дузахъули,  
Бура, чум хIела шаннис,  
Чум юрт делшунрил хIуни?

ГIянручI жявли айзурли  
Дабгили унц-уркура,  
Чуйна арякъунрил хIу  
Дузани хес урцул-цIа?

Бура, дайшила ГIинзи  
ГIянручI дуги айзурли  
Хили къудкъа яргали  
Чуйна айхъутирил шин?

Гъанна манзил барсбиуб,  
Ялчис пешкешбарилли  
Лугули сар хъа умхъни,  
Газра шинра духIнарли.

ГIяхIла къимат аргъили  
ХIякимтас, хIукуматлис,  
ДикIулира баркалла  
Нуша ахирагарли.

ИшхIелла иш баракат  
Даимбарес багъандан,  
ТашмишхIейкIулра, шанта  
АхIердиру или жан.

\*\*\*\*\*

Къянкъ бугес кабахIялли  
УбкIар чи биалра шан, -  
Халкъли бурули бирар,  
Айту марли уббулхъан.

Хъат някъ букес бяхIили –  
Киса бицIес арц дикиб,  
Арц арцанван урцули –  
ТалихI багъес хIебикиб.

\*\*\*\*\*

Наб ГIяхIял дигахъисра  
Дахъал гапъала агар,  
ПужхIералли пIягъи ил,  
Веги хIяйвайзи халирар.  
«Ну, - викар гъачам ГIяхIял,  
Халаси ГIялимличив  
УчIули калунсира,  
Гъалавхъунра иличив».  
--ХIебиалли, хIу халал  
ГIялим уилри, ашна.  
БурхIебуриду набзи  
ГIилмуртала бекI мягIна?  
«Дила мугIяллимли наб  
Иличила хIебуриб.

Сецад къиркъир улил  
Хабар халал мугIяллим!»  
Нуни ГIяхIяйзи ира,  
Лезмиличибси дила:  
«Гъала дубра ахирра  
Чедаахъа къумурла».  
Набчира хIерикIули  
ГIяхIяй къумур сирбариб,  
Къумур журуга саби,  
Дуб я ахир хIедаргиб...  
Гъанна дила ГIяхIяйзи  
Ну паргъатли викIулра:  
«ГIилмуртала бекI мягIна –  
Ил сабур саби, ашна.  
Къумурла гъала дубли  
Бизс бирар «Бисмиллагъ»,  
Ахир: «АлхIямдуллилагъ».  
БалхIебулри селра...

\*\*\*\*\*

Щедеш духъуси галга  
МяхIкамбиру хъа вегили,  
Пайда агарси, жугъан  
Уббирхъу, игу цIали.

ГIяхIси адамлис ГIямру  
Пешкешдиру Аллагъли,  
Усалсила диалли,  
КъантIкадиру гъамадли.

### Ишди ГIямрула хъарихъ

Ишди ГIямрула хъарихъ  
Хъули арицIур хабчаб,  
Цадирар, цалабирхъу  
Авал някъли хъалибарг.  
ДурхIни аманатбиру  
ГIур Аллагъли савгъатван,  
Абикъахъес, бяркъяхъес,  
Илди диннис хъарихъван.  
Ца адамли Аллагъла  
Баргарахъу аманат  
Руркъу дурхIни динничиб,  
Биру ВегибекIлис тIагIят.  
Аллагъличи, динничичи  
Царалла мункирдеш лер.  
ДурхIнасра бегIтазибад  
ГIибрат халал дарсра леб.  
Эгер чили баралра  
Аманатлис хиянат  
Ил мурадличичи хIейур  
Беткайхъур сунна хIурмат.  
Аллагъли аклахъубну  
Адам сунес тIагIятлис,  
Цали алжана кайсу,  
Жагъаннаб – кIибилли.  
(Хъарахъуд бирар)



## Памятка для населения

Сегодня экстремизм – это острейшая проблема не только в республике, но и во всем мире.

Основная масса дестабилизирующих обстановку в регионе, это лица от 18 до 30 лет. К сожалению, в радикальные течения на сегодняшний день вовлекается не только молодежь, но и подростки, которые в силу своей незрелости совершают ужасные злодеяния.

Для нынешней молодежи, которой свойственен максимализм в условиях экономического и социального кризиса - это почва для агрессивности и экстремизма.

Стоит ли говорить, что в силу безработицы, несостоявшимся как личность молодые люди легко поддаются влиянию и попадают в ряды экстремистов. Общественные организации используют это, вовлекая все большее количество молодежи в политических интересах. Нужно менять ситуацию в Республике, экономика, образование, обеспечением рабочими местами, все эти факторы влияют на рост здорового общества, в первую очередь на наше молодое поколение.

Сегодня, наступило время, когда мы сами того не понимая, отдаем от себя наших детей. Своими действиями - не уделяя должного внимания, отталкивая в мо-

мент, когда они в нас особенно нуждаются. Часто придумываем себе отговорки, даем им всевозможные гаджеты в руки, со словами - «лишь бы замолчали».

А тем временем, пока мы занимаемся «глобальным», нашими детьми занимаются те, кто находится, по ту сторону экрана!

Я неоднократно писал об угрозах в интернете и сегодня возможно повторюсь! Игромания, экстремизм, пропаганда алкоголя и наркотиков, интернет-мошенники, всевозможные группы смерти! Все это есть, более того развивается со скоростью света!

Я не призываю ограничить ребенка в использовании сети, напротив... Найдите время и вместе поработайте над качеством посещаемого им ресурса. Например, образовательный канал, который пойдет только на пользу вашему ребенку.

Лояльность по отношению к детям! Разговаривайте с ними о друзьях, проблемах, о том, чем заняты, что пью, употребляют в пищу, одним словом обо всем, что их окружает!

Это интересно, поверьте мне...

Уверен, что у большинства родителей сегодня, есть профили в социальных сетях. Это направление очень модное... Почему спросите

вы? Ну как это!? Прокомментируйте, выразить свою точку зрения, #послать, #облить грязью - это все очень востребовано, над этим многие работают, этим многие живут! Так вот, объясняйте своим детям, что так нельзя... что распространение угроз, сплетен, непроверенной информации, может противоречить не только морали, но и закону! Надо, чтобы дети имели понимание того, для чего им нужен интернет, чтобы умели пользоваться им по назначению, чтобы думали, прежде чем написать или опубликовать, чтобы Интернет умел приносить только пользу, а не стал для детей местом, приносящим угрозу!

**Небольшая памятка для тех, кто большую часть своего времени проводит в социальных сетях... А может пригодится!**

Честно скажу, сам несколько раз пробовал блокировать неудобные страницы, проводя определенные операции. На каждом Интернет-ресурсе свои способы блокировки.

Я о тех информационных материалах, видеоматериалах, которые на каком-то этапе, активно затуманивали #голова нашей молодежи, изменив их мировоззрение до неузнаваемости.

Радует то, что сегодня, такого популярного #идтинаповоду нет, и все

же нужно быть настороже...

Следующее перечисление не мое. Так вот, если: — материал содержит публичное оправдание терроризма и иной террористической деятельности;

— пропагандирует исключительность, превосходство либо неполноценность человека по признаку его социальной, расовой, национальной, религиозной или языковой принадлежности, или отношения к религии;

— призывает к социальной, расовой, национальной или религиозной розни;

— пропагандирует или публично демонстрирует нацистскую атрибутику или символику, символику экстремистской организации, то надо его заблокировать.

*P.S. Как по мне, над вышеперечисленными материалами, которыми все еще кишит интернет, работает определенная группа оплаченных лиц - психологов. Применяя свои #профессиональные приемы, они пытаются разрушить наше общество, морально ослабить, приводя в состояние #тушенныховоцей. Но, сегодня у нас есть возможность не попасться на уловки этих #уродов и максимально очистить пространство, в котором мы находимся!*

## Специалисты МЧС рассказали школьникам, что делать во время землетрясения

В целях пропаганды в области гражданской обороны, защиты населения и территорий от чрезвычайных ситуаций, в образовательных учреждениях Дахадаевского района, прошли мероприятия в рамках месячника гражданской обороны.

Образовательные учреждения посетил ведущий специалист по делам ГО ЧС ЛПСБ Магомед Ахмедаттаев, начальник пожарной части села Уркарах Абдула Исахмедов, дознаватель инспекции надзорной деятельности и профилактических работ по Дахадаевскому и Кайтагским районам Абдурашид Нухкадиев, которые провели разъяснительную беседу на тему «Как вести себя при землетрясении?» и «Как вести себя при пожаре?».

В ходе мероприятия, школьникам рассказали о всемирном дне гражданской обороны, о том, как себя вести во время землетрясения.

«Природные катастрофы забирают жизни сотен тысяч человек каждый год. Ураганы, наводнения, оползни, но самое серьезное стихийное бедствие – землетрясение. Ни один другой катаклизм не делает столько разрушительных последствий и не приносит столько жертв, как землетрясения» — начал беседу Магомед Ахмедаттаев.

Как отметил Маго-

мед Ахмедаттаев, недавно, на территории республики ощущались подземные толчки, и данные мероприятия, которые проходят с первого марта, направлены на ознакомление школьников и их инструктирование на случай подземных толчков.

О мерах по противодействию с пожаром рассказал начальник части Абдула Исахмедов.

В рамках мероприятия ребятам было предложено потушить импровизированный огонь. Каждый школьник брал необходимый инструмент пожарников и делал все возможное чтоб его потушить, все участники получили хороший опыт и увидели все в живую и попробовали сами быть пожарниками.

**Р. Курбанова.**



## Акция «Внимание, дети!» проходит в Дахадаевском районе



Акция «Внимание, дети!» проходит в Дахадаевском районе

На территории Дахадаевского района стартовал первый этап целевого профилактического мероприятия «Внимание, дети!».

Мероприятия направлены на активизацию работы по профилактике детского дорожно-транспортного травматизма и обеспечения безопасности несовершеннолетних в период школьных каникул и в период организованного выезда детей и подростков к местам оздоровительного отдыха, на территории Дахадаевского района.

В рамках профилактических мероприятий сотрудниками ГИБДД проводятся профилактические беседы с детьми и их родителями, где особый акцент делается на поведение детей на проезжей части дороги.

Продолжатся мероприятия до 8 апреля текущего года.

**Раман Магомедов.**  
ОМВД России по Дахадаевскому району.



Гъалабван Уркухъла шилизисси «Солнышко» бикІуси дурхІнала анхъла дазурбазиб «Дусла воспитатель – 2021» ибси муниципальный бутІа бетерхур. Ил дураберкІибсирри багъуди гъалабхІ башахънила Центрли.

Конкурсантунала гъалар саламтала гъайличил дугъаризур багъуди гъалабхІ башахънила Центрла директорла заместитель Райзанат ХІясанова. Илини буриб ил конкурсла мягІничебдешличила ва балбуцла бутІакъянчибас гъарбизуни диубли дигниличила багъахъур.

«Конкурс – ил мурталра ряхІятгарвиъни, творчестволашалси гъира, гъав саби. Иш хІебла жагаси бархІи нушала ванаси ва гъарзаси зал чула санигІятлис марти хІянчизартани гъатІира цІакъли ванаби-ахъаб», - буриб ХІясановани.



Ишди бурхІназир нушала районна Уркухъла шилизисси дахъал шалубар гимназияла спортзаллизир волейболла «ЦІуб арцла тап» ибси белчІудила заведениебала уршби рурсбала цаладахъибти командаби-ургар абзани детерхур. Илди дурадеркІибтири «Школализи волейбол» ибси цахІнабси багъудила проектла дазурбазир.

Абзани дурадеркІибтири имцІали дурхІни спортлизи ахъахъес багъандан ва аратили бирахънила мурадличил.

Балбуцлизир бутІакъяндеш дариб районна декІар-декІарти багъудила учреждениебала 14 командала. Абзаначи цалабикибгачи саламтала дугъби дурули, гъайухъун ХІ. ХІямидовла уличилси ДЮСШ-ла директор ГІ. Керимов. Илини спортсментас сархибдешуни диубли дигниличила багъахъур. Илини дурути гІердуциб волейболла стар-

«Солнышко» бикІуси дурхІнала анхъла биштІати музыкала номертачил гъунибаиб конкурсантунас ва гІяхІлас, балбуцла бутІакъянчибани лерилра гъалабизуни гъамадли ахъили дигниличила багъахъур.


ГІяхІсигъуна воспитательла у сархес багъандан абзлизі кабизурлири верхІел чебетаибти, бажардичебти, малхІамти ва пагъмучебти воспитательти. Илдани чула санигІятлати устадеш ункъли чедаахъиб, дурхІначи ва бузериличи диги лерни якъинбариб.

Багъуди гъалабхІ башахънила Центрла методист Заира Шамхаловани багъахъур конкурсантуни ункъли хІядурбиъниличила.

«Дусла воспитатель – 2021» ибси конкурсла лерилра цархІилти конкурсуні-ургаб хасси мер бурцули саби. Ил педагогунала ахъти устадеш чедаахъицунахІен, ил балбуцла кумекличил барсур

опыт ГІебисуси саби, гІяхІтигъунти педагогуни ГІеббурцила баркъудіра саби», - буриб Шамхаловани.

Балбуцла башрилизиб конкур-



сантунаи педагогуни саблин чула санигІятлати ахъти устадеш чедаахъиб ва гІяхІтигъунти хІянчизартала опыт ГІебасиб.

Багъуди гъалабхІ башахънила Центрла методистли бутІакъяндеш дарибси журили чедибикибти белгибариб.

Конкурсла итогуни хІясибли, цаибил мерличи лайикърикибси Уркухъла бехІбихъудла школанхъла воспитательница Марзигет Уматовна регионна конкурсличі рурхъуси сари.

КІиибти мерани дедиб Уркухъла «Солнышко» дурхІнала анхъла ва Меусишала бехІбихъудла школадурхІнала анхъла воспитательницабас.

Информационный отдел.

## Абзани детерхур

Илди бурхІназир нушала районна Уркухъла шилизисси дахъал шалубар гимназияла спортзаллизир волейболла «ЦІуб арцла тап» ибси белчІудила заведениебала уршби рурсбала цаладахъибти командаби-ургар абзани детерхур. Илди дурадеркІибтири «Школализи волейбол» ибси цахІнабси багъудила проектла дазурбазир.

Абзани дурадеркІибтири имцІали дурхІни спортлизи ахъахъес багъандан ва аратили бирахънила мурадличил.

Балбуцлизир бутІакъяндеш дариб районна декІар-декІарти багъудила учреждениебала 14 командала. Абзаначи цалабикибгачи саламтала дугъби дурули, гъайухъун ХІ. ХІямидовла уличилси ДЮСШ-ла директор ГІ. Керимов. Илини спортсментас сархибдешуни диубли дигниличила багъахъур. Илини дурути гІердуциб волейболла стар-

лала бучІантани. Чедикибти командаби ва призерти ДЮСШ-ла ва багъудила Управеиела шайзибадди грамотабачил ва арцла шабагъатуначил наградитьбариб.



## Савгъатуни дуртІули

«Инсан» бикІуси фондли «Гъарил хъули продуктуни» ибси акция дурабуркІес даимбиубли саби нушала районнизиб. Илгъуна баркъудили чебиахъули саби Исламла кумекбирнила бетуц бягІубикІниличила.

Гъалабван мерла администрацияла хІянчизартала кумекличил илгъуна баркъуди дураберкІиб Кубачила шилизиб. ИлхІели продуктуни дутІибтири илгъуна кумекличил хІерти хъали-



баргунас. Адамтас гІяхІдеш бирнила баркъудилизи арц кадихъни лебГІеб хІурматласи ва инсанна уркІила сахаватдеш чебиахъуси баркъуди саби. Камси биалра вегІли илгъуна баркъудилизи пай кабихъни лебГІеб халаси кумек ГІеббаахъни саби иличи хІертас. Дахадаевла районнизисси «Инсан» фондла руководитель МухІяммад Абдуевла гъай хІясибли, хъалибар-

гуни лер лергІер мискинни хІердирути, берк-бержла продуктуни асес имканти дебали камти. Илдигъунти адамти ГІеббуцили ва илдази чучила паргъатагарбирутири лебни балахъули, кумекбарес хІядуртири лебли биъниличила аргъахъни мягІничебси саби.

Илкъяйдали илини баркалла багъахъур кумекличил Кубачила шилизибадди музабухъунтас, волонтертас ва активистунас.

«Аллагъли гъатІира халабаахъили хІушаб чарбараб хІушала гІяхІбаркъ», - буриб МухІяммад Абдуевли.

# ШИЛА ГІЯМРУ

## СЕЛЬСКАЯ ЖИЗНЬ

УЧРЕДИТЕЛЬ:

«Дахадаевла район» МО – ла администрация.

<http://selskayajizn.ru/>

сетевое издание

«Кала Корейш медиа»

e-mail: [inf.otdel17@mail.ru](mailto:inf.otdel17@mail.ru)

Тел: 55-40-71

1931-ибил дусличибад дурабулхъуси саби

Газета 2009 ибил дусла декабрьла 28-личиб массовая коммуникациябала, бархбасла ва культураласи букъур мяхІкамбирнила шайчиб хІеруди бузахъуси Федеральная служба ДР-лизибси Управеиелизиб белкІунси саби. ПИ № ТУ 5-0047

Газета дурабулхъуси саби жумягІ бархІи.

Дусли 52-на дурабулхъан.

Индекс -- 63314

Печатьлизи къулбасбарес кабизахъуси замана -- 16.00.

Печатьлизи къулбасбарисси замана -- 16.00.

Редакциялизи дархъибти белкІанас рецензия лукІуси ахІен, я илди чула бегІгачи чардирути ахІен.

Газетализи кадирхъути материалтала автортала пикрумачил редакцияла пикри цугхІебикесра асубирар

ДР-ла миллатласи политикала, информацияла ва дуралати бархбасунала шайчибси министерствола газетабала-журналтала типографиялизиб кабахъисси саби.

Адрес: 367018 МяхІячкъалала шагъар, Насрудиновла уличился къакъа, 61

Автортани чула материалтала хІекъдешлис ва бархъдешлис жаваб лугуси саби.

Редакцияла ва издательла адрес: Дахадаевла район, Уркухъла ши, ГІ. ГІялиевла уличился къакъа, 9 «а»

ТИРАЖ –800 экз

БекІ редактор  
Чапарова М. М.  
Редактор  
Курбанова П. О.